

**МЕСЯЦА ОКТЯБРЯ В 6-Й ДЕНЬ.**  
**СВЯТАГО И СЛАВНАГО АПОСТОЛА ФОМЫ**  
**НА ВЕЧЕРНИ**

**Блажен муж: 1-й антифон. На Господи, возвах: стихиры на 8, глас 4**

**Подобен: Яко добля:**

**Ребру** прикоснувся, всеблаженне, Владычню, \* добрых постигл еси крайнее: \* яко бо губа воды, отуду почерпл еси \* источник благих и жизнь вечную \* и напоил еси изсохшая сердца неведением, \* Божественнаго Боговедения источая догматы. [Трижды.]

**Верным** неверствием твоим верных известил еси, \* яко Бога и Господа всея твари начен Богословити, \* плоть понесшаго нас ради земных \* и Крест же, и смерть претерпевшаго, \* и пронзение гвоздей, и кошием ребр прободение, \* от нихже жизнь почерпаем. [Трижды.]

**Фома** чудный источник отверзе догматов, Владыко, Богомудрым: \* ребру бо прикоснувся Твоему, \* сугубу действу, существы сугубыми подобно научився и возопи: \* Ты Бог мой еси и Владыка, \* Ты и Господь Славы, \* мене ради плоть быв. [Дважды.]

**Слава, глас 6. Студитово:**

**Яко** слуга Слова и неизреченнаго воплощения Его, \* глубину мудрости почерпл еси, Фома апостоле: \* тростию бо креста возводя из глубины прелести, души уловил еси. \* Отнюдуже мрежею твоих догматов всю просветил еси вселенную \* и светом знания индиан помраченныя души просветил еси. \* Тем Славы Христовы светло наслаждаяся, \* Того моли помилувати души наша.

**И ныне, Богородичен:**

**Кто** Тебе не ублажит, Пресвятая Дево; \* кто ли не воспоеет Твоего Пречистаго Рождества; \* безлетно бо от Отца Возсиявый Сын Единородный, \* Тойже от Тебе, Чистыя, пройде, \* неизреченно воплощя: \* естеством Бог сый, \* и естеством быв Человек нас ради, \* не во двою лицу Разделяемый, \* но во Двою Естеству \* неслитно Познаваемый. \* Того моли, Чистая, Всеблаженная, \* помилуватися душам нашим.

**Вход. Прокимен дне. Чтения три.**

**Соборнаго послания Иоаннова чтение (глава 1):**

**Еже** бе исперва, еже слышахом, еже видехом очима нашими, еже узрехом, и руки наша осязаша, о Словеси Животнем. И Живот явися, и видехом, и свидетельствуем, и возвещаем вам Живот Вечный, Иже бе у Отца и явися нам. Еже видехом и слышахом, поведаем вам, да и вы общение имате с нами: общение же наше со Отцем и с Сыном Его, Иисусом Христом. И сия пишем вам, да радость ваша будет исполнена. И сие есть обетование, еже слышахом от Него и поведаем вам, яко Бог Свет есть, и тмы в Нем несть ни единыя. Аще речем, яко общение имамы с Ним, и во тме ходим, лжем и не творим истины. Аще же во свете ходим, якоже Сам Той есть во свете, общение имамы друг ко другу, и Кровь Иисуса Христа Сына Его очищает нас от всякаго греха.

**Соборнаго послания Иаковля чтение (глава 1):**

**Иаков**, Богу и Господу Иисусу Христу раб, обеманадесяте коленома, иже в разсеянии, радоватися. Всяку радость имейте, братие моя, егда во искушения

впадаете различна, ведяще, яко искушение вапешя веры соделовает терпение. Терпение же дело совершенно да имать, яко да будете совершени и всецели, ни в чемже лишени. Аще же кто от вас лишен есть премудрости, да просит от дающаго Бога всем нелицеприемне и не поношающаго, и дастся ему. Да просит же верою, ничтоже сумняся: сумняйся бо уподобися волнению морскому, ветры возметаему и развеваему. Да не мнит бо человек он, яко примет что от Бога. Муж двоедушен, неустроен во всех путех своих. Да хвалится же брат смиренный в высоте своей, богатый же во смирении своем, зане, якоже цвет травный, мимоидет. Возсия бо солнце со зноем и изсуши траву, и цвет ея отпаде, и благолепие лица ея погибе. Сице и богатый в хождении своем увядает. Блажен муж, иже претерпит искушение, зане искусен быв, примет венец жизни, егоже обеща Бог любящим Его.

**Соборнаго послания Иудина чтение (глава 1):**

**Иуда**, Иисусу Христу раб, брат же Иакову, суцим о Бозе Отце освященным, Иисус Христом соблюденным званым. Милость вам, и мир, и любви да умножится. Возлюбленнии, всяко тцание творя писати вам о общем спасении вапешем, нужду возимех писати вам, моля подвизатися о преданней вере святым единою. Привнидоша бо нецьи человецы (древле предустановленнии на сие осуждение) нечестивии, Бога нашего благодать прелагающии в скверну и Единого Владыки Бога, и Господа нашего Иисуса Христа отметающиися. Воспомянути же вам хошу, ведущим и вам единою сие, яко Господь люди от земли египетския спасе, последи неверовавшия погуби. Ангелы же, не соблюдашия своего начальства, но оставльшия свое жилище на суд великаго дне, узами вечными под мраком соблюде. Якоже Содомы и Гоморры, и окрестный их грады, подобным им образом преблудивше и ходивше в след плоти инья, предлежат в показание огня вечнаго, суд подъемше. Вы же, возлюбленнии, поминайте глаголы преждереченныя от апостол Господа нашего Иисуса Христа. Зане глаголаху вам, яко в последнее время будут ругатели, по своим похотех ходяще и нечестиих. Сии суть отделяюще себе (от единости веры и суть) телесни, Духа не имуще. Вы же, возлюбленнии, святою вапешю верою назидающе себе, Духом Святым молящесе, сами себе в любви Божией соблюдайте, ждуще милости Господа нашего Иисуса Христа в жизнь вечную. И овех убо милуйте, разсуждающе, овех же страхом спасайте, от огня восхищающе. Обличайте же с боязнию, ненавидающе и яже от плоти оскверненую ризу. Могущему же сохранить вы без греха и без скверны и поставити пред славою своею непорочных в радости, Единому Премудрому Богу и Спасу нашему (Иисусом Христом, Господем нашим), слава и величие, держава и власть прежде всего века, и ныне, и во вся веки. Аминь.

**Аще настоятель изволит пети литию, стихира храма и апостола, глас 4**

**Подобен: Яко добля:**

**Т**ростию благодати от глубины суетства человеки извлекл еси, досточудне, \* Учителя манием повинувся, Фома, \* просвещаго по всему твое разумение, \* и апостола, и честна Богоглагольника тя, всеблаженне, показавша \* Того Непостижимаго Божества.

**Д**уха сияние на тя сниде во огненне виде \* и тя, блаженне, Божественное приятелище содела, \* скоро отгоняща безбожия мглу и мир просвещающе сиянием всемудрых твоих словес, \* тайноглагольниче, апостолов украшение, \* Христов самовидче, блаженне.

**М**олниями проповедания во тме седящия неведения, славне, просветив, \* показал еси сыны Владыки и Бога веры ради. \* Егоже страstem ревновал еси и смерти \* и славы был еси наследник, \* яко мудр и Богоглаголив, яко ученик Истины.

**Слава, глас 2:**

**О**ставив земная, последовал еси Христу \* и, знаменався дохновением Святого Духа, \* послан быв от Него в языки погибшия \* обращати человеки во свет Богознания, апостоле Фома, \* и, скончав подвиги Божественныя твоя страсти и мук различных, \* душу твою Христу предал еси. \* Того моли, всеблаженне, даровати нам велию милость.

**И ныне, Богородичен:**

**В**се упование мое \* на Тя возлагаю, Мати Божия, \* сохрани мя под кровом Твоим.

**На стиховне стихиры, глас 4.**

**Подобен: Дал еси знамение:**

**Я**коже бисера, ты из пучины изъят мирскаго смущения \* Христос Человеколюбец, тобою обогатив обнищавшия \* и нищетою лютых одержимыя, Фома апостоле. \* Тем ты ублажаем и всепразднственную память Твою во хвалении славим, \* благочестно ты почитающе.

**Стих: Во всю землю изыде вещание их \* и в концы вселенныя глаголы их.**

**И**ндийскую просветил еси всю землю, священнейше и Боговидче апостоле: \* просветив бо вся, сыны соделал еси света и дне, теми в душе, мудре. \* Идоольския же храмы низложив, \* воздвигл же еси благодатию Бога в славу и хвалу Церкви, блаженне, \* молитвенниче о душах наших.

**Стих: Небеса поведают славу Божию, \* творение же руку Его возвещает твердь.**

**Р**укою любопытною \* Божественная ребра испытал и гвоздей язвы, \* яже Безсмертный нас ради подъял, \* и неверие преложив радостне во благоверие, \* Фома, возопил еси: \* Ты еси Бог и Господь, и Тя славлю, Человеколюбче, \* страстьми источившаго верным безстрастие.

**Слава, глас 6. Анатолиево:**

**Б**ожественныя видя Христовы мудрости, \* умный показался еси кратир таинственно, Фома апостоле, \* в немже верных души веселятся: \* Божественною бо мрежею Духа люди возвлекл еси из глубины отчаяния. \* Темже от Сиона, яко река благодати, изшел еси, \* твоя источающая Божественныя догматы во всю тварь. \* Тем Христовым страstem подобяся, в ребра прободен был еси, \* во мрак вшед нетления. \* Того моли спастися душам нашим.

**И ныне, Богородичен: Богородице, Ты еси лоза:**

**Тропарь, глас 2:**

**У**ченик Христов быв, Божественнаго собора апостольскаго сопричастник, \* неверствием бо Христово Воскресение известив \* и Того пречистую страсть осязанием уверив, \* Фома всехвальне, \* и ныне нам проси мира и велия милости.

**Слава, и ныне, Богородичен.**

**В**ся паче смысла, \* вся преславная Твоя Богородице, таинства, \* чистоте запечатанной и девству храниму, \* Мати позналася еси неложна, \* Бога рождши Истиннаго: \* Того моли спастися душам нашим.

## НА УТРЕНИ

На Бог Господь, тропарь глас 2:

Ученик Христов быв, Божественнаго собора апостольскаго сопричастник, \* неверствием бо Христово Воскресение известив \* и Того пречистую страсть осязанием уверив, \* Фома всехвальне, \* и ныне нам проси мира и велия милости.  
[Дважды.]

Слава, и ныне, Богородичен.

Вся паче смысла, \* вся преславная Твоя Богородице, таинства, \* чистоте запечатанной и девству храниму, \* Мати позналася еси неложна, \* Бога рождши Истиннаго: \* Того моли спастися душам нашим.

По 1-й стихологии седален, глас 5.

Подобен: Собезначальное Слово:

Апостола вси и ученика Христова \* восхвалим песньми в память его: \* Боголепно бо наша помышления, \* той язвы гвоздей осязав, \* известную веру изыскав, утверди в мире \* и молит Спаса помиловатися душам нашим.

Слава, и ныне, Богородичен:

Из тебе, воплощеннаго Бога и Господа, \* нас ради, истлевших согрешеньми, \* Того моли присно ущедрити ны и отвратити ярость и гнев Его, Чистая, \* от вопиющих верою непрестанно \* величия Твоя, Благодатная.

По 2-й стихологии седален, глас 4.

Подобен: Вознесыйся:

Осязав ребра Спасова и почерп от них Божий разум, славне апостоле, \* земный привлек еси неверием твоим верных на веру; \* копиями же бодом по всему телу, \* просвещаеши всех души, \* похваляющих святое усепение твое.

Слава, и ныне, Богородичен:

Надеждо непостыдная надеющихся на Тя, \* Единая Рождающая паче естества плотию Христа Бога нашего, \* Того со святыми апостолами моли \* подати вселенней очищение прегрешений \* и всем нам прежде конца жития исправление.

По полиелеи седален, глас 3.

Подобен: Божией вере:

Божия Духа светозарением тьму разрушил еси многобожия \* и верных сердца просветил еси, \* воспев спасенная повеления, апостоле Фома премудре. \* Христа Бога моли даровати нам велию милость.

Слава, и ныне, Богородичен:

Кийждо, идеже спасается, тамо праведно и притекает; \* и кое иное таковое прибежище, яко Ты, Богородице, \* покрывающее души наша.

Степенна, 1-й антифон 4-го гласа.

**Прокимен, глас 4:** Во всю землю изыде вещание их, и в концы вселенныя глаголы их.

**Стих:** Небеса поведают славу Божию, творение же руку Его возвещает твердь.

**Всякое дыхание:**

### **Евангелие Иоанна, зачало 67.**

**Во** время оно, явился Иисус учеником Своим, востав от мертвых. И глагола Симону Петру: Симоне Ионин, любиши ли Мя паче сих? Глагола Ему: ей, Господи, Ты веси, яко люблю Тя. Глагола ему: паси агнцы Моя. Глагола ему паки второе: Симоне Ионин, любиши ли Мя? Глагола ему: ей, Господи, Ты веси, яко люблю Тя. Глагола ему: паси овцы Моя. Глагола ему третье: Симоне Ионин, любиши ли Мя? Оскорбе же Петр, яко рече ему третье, любиши ли Мя; и глагола Ему: Господи, Ты вся веси, Ты веси, яко люблю Тя. Глагола ему Иисус: паси овцы Моя. Аминь, аминь, глаголю тебе, егда бе юн, поясахся сам, и хождаше, аможе хотяше, егда же состареешися и воздежеш руце твои, и ин тя пояшет, и ведет, аможе не хочеш. Сие же рече, назнаменуя, коею смертию прославит Бога. И сия рек, глагола ему: иди по Мне. Обращься же Петр, виде ученика, егоже любляше Иисус, во след идуща, иже и возлеже на вечери на перси Его, и рече: Господи, кто есть предай Тя? Сего видев Петр, глагола Иисусови: Господи, сей же что? Глагола ему Иисус: аще хочу, да той пребывает, дондеже прииду, что к тебе? Ты по Мне гряди. Изыде же слово се в братию, яко ученик той не умрет, и не рече ему Иисус, яко не умрет, но аще хочу тому пребывать, дондеже прииду, что к тебе? Сей есть ученик свидетельствующий о сих, иже и написа сия, и вем, яко истинно есть свидетельство его. Суть же и ина многа, яже сотвори Иисус, яже аще по единому писана бывают, ни самому мноу всему миру вместити пишемых книг. Аминь.

### **По 50-м псалме стихира, глас 4:**

**Христос**, великое Солнце, \* лучу тя многосветлую во Индию посылает, \* мрачную леств, таинниче, вскоре разгоняющая, \* Фома премудре апостоле, \* и люди просвещающая Троицу почитати Божественную, \* Еюже вси сохраняемся.

**Канон Богородицы, со ирмосом на 6, и апостола на 8, егѡже краегранесие:** Чудес  
полному Фоме дивляюся. **Феофаново. Глас 4**

### **Песнь 1**

**Ирмос:** Трискраты крепкия, \* Рождейся от Девы, \* безстрастия во глубине \* души тричастное потопа, молюся, \* да тебе, яко в тимпане, \* во умерщвлении телесе \* победное воспою пение.

**Безначальна** Сына Божия, Бога Слова, явльшагося на земли, зраком Сушим по нам, Егоже видел еси, славне, Егоже и руки дланию, и ребро осязал еси, умоли спасти паству Твою.

**Знатель** тайных, и утробы истязуй, и сердца испытуй, Бог мой Иисус, ты, Фома всеблаженне, Своего Богоявления служителя, и свидетеля, и апостола Божественна прият.

**Вод** таинственных река ты показался еси, напаяющая, Фома, лице земли; церковный же сонм струями Богознания и шумом Духа многобожную прелесть отгнал еси.

**Богородичен:** Смерти и тли потребительница сущи, нетления источник рождающая, Христа, Богородице Всепетая, и бессмертия украсившаго благодатию человеческое естество, Пречистая.

**Катавасия:** Отверзу уста моя:

### Песнь 3

**Ирмос:** Не мудростию, и силою, и богатством хвалимся, \* но Тобою, Отчею Ипостасною Мудростию, Христе: \* несть бо свят, паче \* тебе, Человеколюбче.

**Д**обродетели добротой благолепен сый подобяся самовидче, и чудеса, индиров зловидное светом Божественным озарив, и верою просветил еси тех помрачение.

**З**арею разжегся самоделательством Духа, яко стрела Богосветлая, послан был еси, Богоприятне, и мир просветил еси, Фома, чудеса.

**Т**айнонаучен Божественныя мудрости догматом, якоже скорость молнии преходящая, апостоле Фома, светом просветил еси мира концы.

**Богородичен:** Неискусобрачная, Бога плотию рождши, страстей прилоги колеблема мя утверди: несть бо, Пречистая, разве тебе помощницы.

Седален, глас 8.

**Подобен:** Премудрости:

**М**режею словес Божественных рыбы уловив словесныя, \* сия принесл еси начаток Богу нашему, \* и в Христовы язвы желая облещися, подобник страсти Его явился еси. \* Тем, сошедшеся по долгу, чтим, апостоле славне, всепразднственную память Твою \* и согласно вопиим ти: \* моли Христа Бога грехов оставление даровати чтущим любовию святую память Твою.

Слава, и ныне, Богородичен:

**Я**ко Деву и Едину в женах, \* Тя, без семени Рождшую Бога плотию, \* вси ублажаем роди человечести: \* огонь бо вселися в Тя Божества \* и, яко младенца, доиши Зиждителя и Господа. \* Тем Ангельский и человеческий род достойно славим пресвятое рождество твое и согласно вопием Ти: \* моли Христа Бога согрешений оставление даровати поклоняющимся верою пресвятому рождеству Твоему.

### Песнь 4

**Ирмос:** Седяй в славе на Престоле Божества, \* во облаце легце \* прииде Иисус Пребожественный, \* нетленною дланию, и спасе зовущия: \* слава, Христе, силе Твоей.

**В**еличайшим чудес явлением начен и догматов Божественных славу светле излагая, вселенную объял еси проповеданием, взывающу: слава, Христе, силе Твоей.

**Я**ко самовидца ты Слова и теплаго служителя, и Того славы и величества свидетеля, и яко верна строителя, и апостола восхваляем тя, блаженне Фома, всечестне.

**Я**коже невестный чертог и скинию Небесную, основание на Камени краеугольном утвердив, наздал еси, блаженне всеприснопамятне, зовущим: слава, Христе, силе Твоей.

**Богородичен:** Землю неоранную, Клас жизни возделавшую, и облак легкий, тучу, Жизнодавца источившую, Всесвятую Деву именуем, зовуще: слава, Христе, силе Твоей.

### Песнь 5

**Ирмос:** Нечестивии не узрят славы Твоя, Христе, \* но мы Тя, Единородне, \* Отческия славы сияние Божества, \* от ноци утренююще, \* воспеваем Тя, Человеколюбче.

**О**сиян, апостоле, славою Христовою и, ребро животворное осязав, почерпл еси неизследимую Богословия пучину и мир обогатил еси.

**Н**е пришед к первому Твоему входу Фома, не веруя же учеником, веровав же последи, радуясь, возопи, Тя, Бога и Господа возвещая, Многомилостиве.

**Я**ко небо одушевленное, славу Твою, Христе, громом духовным Фома возопи, исповедуя и Бога, и Господа, Тя верным благовести.

**Богородичен:** Победителя покажи, Всенепорочная, ум страстей и помышлений стремления покори сих, Богоневесто, Бога Рождающая, Спасителя душ наших.

### Песнь 6

**Ирмос:** Пожру Ти со гласом хваления, Господи, \* Церковь вопиет Ти, \* от бесовския крове очищися \* ради милости от ребр Твоих \* истекшею Кровию.

**В**сех неверие, Фома, душегубное, неверование твое, блаженне, исцеляет: ты бо несумненно гвоздей же и копия язвы испытал еси.

**И**спустил еси, яко силен, Христе, апостола, яко стрелу изошрену, в сердца враг Твоих, Жизнодавче, и корыстей объятие Тебе сих приведе.

**Ж**ертвы идольския, Щедре, упразднил еси, заклан быв на Древе, и заколении святыми Богоглаголивых апостол, подражающих Твоя страдания.

**Богородичен:** **О** чудо, всех чудес новейшее: яко Дева во утробе всяческая Содержащаго, неискусомужно заченши, не тесновмести.

### Кондак, глас 4:

**Подобен:** Явился еси днесь:

**П**ремудрости благодати исполнен, \* Христов апостол и служитель истинный \* в покаянии вопияше тебе: \* Ты мой еси Бог же и Господь.

**Икос:** Господню ученику и великому тайноповедателю, Фоме Богоглаголивому, Петр возопи: видехом Господа. Рече же той: аще не вижду аз язвы рук Его, не уверую, вопияше близнец. Тогда Владыка всех, якоже раб прииде, хотя спасти вся, и глаголет Фоме: осяжи руки Моя и ребра и не не веруй: Аз бо есмь Господь и Бог твой. Он же с покаянием возопи: Ты мой еси Бог же и Господь.

### Песнь 7

**Ирмос:** В пещи Авраамстии отроцы персидстей, \* любовию благочестия \* паче, нежели пламенем опаляеми, взываху: \* Благословен еси в храме славы Твоя, Господи.

**С** вышними ликостояньми, яко апостол, радуясь, ликуеша, блаженне, на небесех, воспеваеша же, веселяся: Благословен еси в храме славы Твоя, Господи.



**О**т конец до конец протече твое вещание и глагол твоих Божественных предложение, зовущия научающее: благословен еси в храме славы Твоея, Господи.

**Х**рам был еси ты Троицы, прехвальне, темже и храмы идольския и кумиры разрушил еси, апостоле, храмы же воздвиг во славу и хвалу Христа Бога.

**Богородичен:** Законныя работы Твоим Рождеством избавихомся: Ты бо, Богородице, Избавителя неискусомужно нам родила еси. Благословенна Ты в женах еси, Всенепорочная Владычице.

### Песнь 8

**Ирмос:** Отроки благочестивыя в печи \* Рождество Богородичо спасло есть. \* Тогда убо образуемое, \* ныне же действующее, \* вселенную всю воздвизает пети Тебе: \* Господа пойте дела \* и превозносите Его во вся веки.

**С** Богом беседуя воплощшимся, плоть забыв, явился еси, блаженне, премирным же обожением обогатился еси, приближением к Богу Боготворим, и, Господа пойте, зовя, и превозносите Его во вся веки.

**Л**юбовию Христу сочетався, смерть с Ним, блаженне, возлюбил еси, и со апостолом Твоим идем, вещав, и с ним смерть приимем: Господа пойте, вопия, и превозносите Его во вся веки.

**В**ас Христос апостолы, облаки вольнаго дождя показа, тучами наводняющия Божественнаго познания Церкви, премудрии, и напаяющия поющих: Господа пойте дела и превозносите Его во вся веки.

**Богородичен:** Пороков и скверн чиста и всякия святыни еси храм, Слово Всесвятое, вся освящающее, Отцу Собезначальное, породила еси. Тем Тя, Дево, поем и превозносим во вся веки.

### Песнь 9

**Ирмос:** Камень нерукосечный, \* от несекомыя горы, Тебе, Дево, \* краеугольный отсечеса, Христос, \* совокупивый разстоящая естества. \* Тем, веселящеса, Тя, Богородице, величаем.

**К**олесница светоносная явился еси сидящаго Слова, на благолепнейшей твоей души и Богоносней носима, ко спасению, славне, направляя поющих тя.

**Т**вою преблаженную память совершающе, молим всякаго треволнения избавитися ходатайством дерзновения твоего, еже, яко Христов апостол, имаши, Боговидче всечестне.

**Д**несь память твою вси, Фома апостоле, совершаем, освяти и просвети верою искушений, и обстояний, и страстей всяких избавляя молитвами твоими.

**Богородичен:** Красен прозябе Клас от земли Девическия, Божие Слово, Имже питаемся вернии, в Немже и живем и составляемся. Тем Тя, Рождшую, яко Богородицу величаем.

### Светилен.

**Подобен:** Жены услышите:

**С**амовидче и апостоле Христа Всещедраго, \* мир даровати всей вселенней и победы воинству нашему, \* и прегрешений оставление, и спасение испроси тя, Фома, восхваляющим \* яко ученика Богоглаголива.

Слава, другий.

**Подобен:** Духом:

**Я**ко солнце востока, индиом послася, Фома апостоле, пресветлое, \* апостолов славо, \* и тех омрачение светом словес твоих \* и Троическою верою просветил еси. \* Тем святую Твою и Божественную празднуем память.

**И ныне, Богородичен:**

**М**олебницу Ти приводим и теплую Заступницу, \* Пречистую Матерь Твою, вернии по долгу: \* сподоби рабы Твоя причаститися славы Твоея, Христе, \* и праведных наследия, и пищи райския \* и даждь Царство Небесное.

**На хвалитех стихиры на 4, самогласны, глас 1. Анатолиево:**

**Х**ристу последовал еси, Фома апостоле, \* и мира небрегл еси, \* и Того учения в сокровищи твоим сокрыв, \* явился еси апостол. \* Тем быв во языцех, \* и тех лестию и страстьми омраченныя души \* заповедьми Спасовыми просветил еси \* веровати в Троицу Единосущную.

**Глас 4:**

**Р**азума Божественным огнем душу просветил еси, \* во всем Владыце подражатель был еси, \* яко законен ученик, Фома апостоле: \* крестною бо тростию \* из глубины неведения нечестивых души извлекл еси. \* Тем и индиов омраченную совесть Божественнаго Духа удицею уловил еси. \* Христа Бога присно моли \* и нам избавитися от вражия помраченнаго вида \* и спастися душам нашим.

**Л**овитвенную глубину оставив, \* ко крестней трости верою притекл еси \* и тем вся уловил еси, Фома апостоле. \* Тем и пречистая ребра Слова рукою осязав, \* вонзеных гвоздинных язв перстом видети сподобился еси. \* Христа Бога прилежно моли всегда \* спасти души наша.

**Слава, глас 6:**

**Н**а колеснице добродетелей ездя, \* яко колесничник Илия, показался еси, \* Божественнаго Духа огнем разгараем, Фома апостоле: \* глубину бо разумнаго моря изследуя, \* рыбы уловлял еси, \* преводи сих от смерти к животу. \* Тем и верных души просвещая, \* тростию крестною от смертоносныя прелести к животу возвел еси; \* и, со Безплотными Христу предстоя, \* прилежно Того моли о спасении душ наших.

**И ныне, Богородичен.**

**Славословие великое. И отпуст.**

## НА ЛИТУРГИИ

Блаженна, песнь 3 и 6-я, на 8.

Добродетели добротою благолепен сый подобяся самовидче, и чудесы, индиов зловидное светом Божественным озарив, и верою просветил еси тех помрачение. [Дважды.]

Зарею разжегся самодетельством Духа, яко стрела Богосветлая, послан был еси, Богоприятне, и мир просветил еси, Фома, чудесы.

Тайнонаучен Божественныя мудрости догматом, якоже скорость молнии преходящая, апостоле Фома, светом просветил еси мира концы.

Всех неверие, Фома, душегубное, неверование твое, блаженне, исцеляет: ты бо несумненно гвоздей же и копия язвы испытал еси.

Испустил еси, яко силен, Христе, апостола, яко стрелу изощрену, в сердца враг Твоих, Жизнодавче, и корыстей объятие Тебе сих приведе.

Слава: Жертвы идольския, Щедре, упразднил еси, заклан быв на Древе, и заколении святыми Богоглаголивых апостол, подражающих Твоя страдания.

И ныне: Богородичен: О чудо, всех чудес новейшее: яко Дева во утробе всяческая Содержащаго, неискусомужно заченши, не тесновмести.

Прокимен, глас 8: Во всю землю изыде вещание их, - и в концы вселенныя глаголы их.

Стих: Небеса поведают славу Божию, творение же руку Его возвещает твердь.

### Апостол к Коринфяном. зачало 131

Братие, Бог ны посланники последняя яви, яко насмертники, зане позор быхом миру и Ангелом и человеком. Мы убо буи Христа ради, вы же мудри о Христе, мы немощни, вы же крепцы, вы славни, мы же безчестни. До нынешняго часа и алчем, и жажем, и наготуем, и страждем, и скитаемся, и труждаемся, делаяще своими руками. Укоряеми, благословляем, гоними, терпим, хулими, утешаемся, якоже отреби миру быхом, всем поправление доселе. Не срамляя вас сия пишу, но якоже чада моя возлюбленная наказую. Аще бо и многи пестуны имате о Христе, но не многи отцы, о Христе бо Иисусе благовествованием аз вы родих. Молю же вас: подобни мне бывайте, якоже аз Христу.

Аллилуиа. глас 1: Исповедят небеса чудеса Твоя Господи, ибо истину Твою в церкви святых.

Стих: Бог прославляемь в совете святых.

### Евангелие от Иоанна, зачало 65

Сущу позде в день той во едину от суббот, и дверем затворенным, идеже бяху ученицы Его собрани, страха ради Иудейска, прииде Иисус и ста посреде и глагола им: мир вам. И сие рек, показа им руце и нозе и ребра Своя. Возрадовашася убо ученицы, видевше Господа. Рече же им Иисус паки: мир вам, якоже посла Мя Отец, и аз посылаю вы. И сие рек, дуну и глагола им: примите Дух Свят, имже отпустите грехи, отпустятся им, и имже держите, держатся. Фома же, един от обоюнадесяте, глаголемый Близнаец, не бе ту с ними, егда прииде Иисус. Глаголаху же ему друзии

ученицы: видехом Господа. Он же рече им: аще не вижу на руку Его язвы гвоздинныя, и вложу перста моего в язвы гвоздинныя, и вложу руку мою в ребра Его, не иму веры. И по днех осмих паки бяху внутрь ученицы Его, и Фома с ними. Прииде Иисус дверем затворенным, и ста посреде их и рече: мир вам. Потом глагола Фоме: принеси перст твой семо и виждь рuce Мои, и принеси руку твою и вложи в ребра Моя, и не буди неверен, но верен. И отвеща Фома и рече Ему: Господь мой и Бог мой. Глагола ему Иисус: яко видеv Мя, веровал еси, блажени не видеvшии и вероваvше. Многа же и ина знамения сотвори Иисус пред ученики Своими, яже не суть писана в книгах сих. Сия же писана быша, да веруете, яко Иисус есть Христос Сын Божий, и да верующе живот имате во имя Его.

**Причастен:** Во всю землю изыде вещание их, и в концы вселенныя глаголы их.